



大元大一統志卷

奏進

集賢大學士資善大夫同知宣徽院事臣李蘭盼

昭文館大學士中奉大夫秘書監臣岳鉉等 上進



均州

古蹟

三王城

寰宇記云此乃前漢末王康王常王鳳三人所築

各自有一城今遂號為三王城

上庸城

魏略云征北將軍申耽曾為此太守晉司馬宣王

征破之

舊豐利城

寰宇記云在鄖鄉縣西二百四十里元和郡縣志云本漢長利縣在長利川故名宋于此僞置上洛郡後魏置為豐利郡隋立豐利縣旧唐志云後魏置豐利郡分錫縣置豐利縣武德初屬上州：廢屬均州唐會要同又九域志乾德二年廢入鄖鄉天柱山

在鄖縣錫羨鄉山去縣二百里之左有一柱峯曰天柱山上有三石門内有飛仙一日三朝

千丈崖

晏公類要云在武當縣又有千丈峯

琵琶谷

隋圖經云漢水經琵琶谷至滄浪州滄浪州即漁

父棹歌處也

萬戶谷

在武當山定心石下中鼻山之東其廣容萬戶故

名

定心石

大小有二下臨萬仞巋然陡絕觀者股慄喜事者

或立其上以示心術之平

錫穴

左傳楚潘崇伐麋至于錫穴是也

水簾

在武當山

渚口

俗傳如此其實渚水也在鄖縣西六十里漢地理

志渚水入于漢

天池

在武當山

鹽池

唐元和志又唐志並云在武當縣東南百里池水四周上有紫氣池左右草木十餘里氣所染上如霜雪嘗之石鹽土人謂之鹽花

金泉

在州治治平元年王齊作記

石舊泉

晏殊類要云在武當縣

甘露泉

在武當山南巖泉味甘美民間往之汲取以愈諸

疾

龍井

在武當山

白花泉

在武當山

參斗泉

晏殊類要云在武當縣汲水不竭圖經云雖千人汲之不减不汲亦不增又云參星下臨因以為名其山亦名參山

法華巖

昔惠哲居此誦蓮經常有龍女來聽在俞公巖之西

九卿巖

佛子巖

僊女巖

並在武當山

俞公巖

古記隋僧慧哲在巖中誦蓮經有白衣老人自謂俞公三反來聽曰我東溟之子謫居此地限滿得還斯我所居願奉仁者

李園巖

李仲僊潘岳開居賦註房陵朱仲家有縹李世所
希有巖在千丈峯之下

黃太清修道巖

陶幼安百花泉巖

並在武當縣晏殊類要云

一品鄉

在鄧縣有鄧公里按張士遜

鄧國公致仕歸光

化縣乃其鄉也今鄧縣有一品鄉里曰鄧公意者
曰官就居於此也象之亦云然

延岑城

按北史後周武成元年自鄧鄉城移于此又云故
城即後漢延岑所築而元和郡縣志及寰宇記武
當縣下又云唐顯慶四年自延岑城移治今所則
郡非岑故城也况自端平三年遭兵禍而郡置治
愈非其舊

國朝至元十二年歸附創立郡治復還舊

聖木

舊圖經云在武當縣東洲渚漢江中長五丈

社樹

隨圖經云南陽武當南門有社栢樹大四十圍梁
蕭順為郡守伐之言大蛇從樹腹中墮之麓數圍
長三文羣蛇數千隨入南山聲如風雨

成和聚

後漢郡國志南陽郡武當縣有此

謝羅山

圖經云晉咸和中歷陽謝允探羅道玄隱遯斯山

故曰謝羅山

張黃二真人墓履壇

在龍山之頂鄖縣西北一百里昔有二真人飛昇

遺履而去其後乃葬履于壇有二石道士侍立壇

所

望仙臺

在武當山五龍觀

梳洗臺

在鄖縣東六十里王震詩云俗緣磨未盡空山傍

粒臺溪雲惹粉黛巖花寶靨開

宗海樓

宣和辛丑三山陸愷作記大槩謂下臨清漢江山
映帶景物之變無窮騷人之所不能詠盡工極思

莫狀其美

太和樓

前面太和峯山水環會為一郡之壯觀

紫雲亭

舊在州治占一郡之勝亭記云元符三年晁端慤

作

望僊亭

舊在州治占一郡之勝亭記云宋元符初劉濬作

尹公亭

宋端平三年楊恢作碑云尹洙字師魯常謫此州

舊有此亭而荒穢久矣繕修一新魏了翁作記

龍洞

在武當縣

白蓮洞

在武當山

黑龍潭

在武當山

九度澗

晏殊類要云在武當縣

修多羅藏

唐肅宗賜經五千卷藏額亦肅宗所賜

希夷庵

在武當山陳搏常棲隱於此

伏虎庵

在武當山

鳳凰洲

王象之紀勝引晏殊類要云在鄖鄉縣

唐濮王泰塚

在鄖縣北地名長辨村

謝安謝賢二塚

在武當縣南十五里此必非晉太傅謝安也

蠻王塚

在武當縣南二百步

漢中部碑

張來君碑

魏興太守碑

並在豐利舊縣

隋常氏神道

已漫滅

石橋記

在武當山落帽峯

舊魏興太守譚義德政碑

在鄖縣一百五十里

狼子塚

在狼子峯下後為善所壞成一小洲

乾明寺

本唐濮王恭薨妃閻氏于宮地建延福寺有浮圖
記咸寧五年勅沈長卿纂文張元靚書又有上元
三年建張士遜述黃通書宋太平興國中賜今名
有唐經藏碑銘按延福寺碑在鄖鄉縣乾明寺上

元中王府功曹沈長卿撰後火焚碑湮毀太平興
國中僧海清於坎埵中依堵墻整之如故

太平興國寺

唐廣德二年詔慧禪師曰朕有一子乞保延昌乃
以太平延昌為寺名宋太平興國二年改今名

乾興院

去鄖鄉縣一百二十里宰相張士遜功德院也

明道觀

唐貞觀十八年改濮王泰宮為龍飛觀在鄖鄉縣
西宋天聖八年賜朝元圖有聖祖天寧六御坐傍

有太祖太宗御容紹興十七年迎朝元圖赴行在所

唐德觀

在鄖鄉東南十五里無碑記可驗惟中尊太上老君為聖祖以此考之自唐建焉

白鶴觀

在鄖鄉縣之西陵十五里昔帝者封禪於東嶽感仙鶴五百餘隻降於壇上天下許置觀以白鶴為

名

五龍觀

在武當山

唐漢王泰廟

在鄖縣北

唐威武公廟

按乾符三年翁洮撰記山南東道觀察使趙凝立

隋顯崇觀

在鄖縣西有碑大業五年為祝壽之所銘存於州

治後碑云大業己巳歲今六百餘年

殷少師祠

宋紹定三年楊恢知均州魏了翁作記大意云少

師雖以諫死而無救於宗國之亡距今幾三千年
興衰治亂亦秋毫不相涉也而是心之靈可以立
天地宰萬物者昭々赫々與天地相為無窮乃至
因其子孫在吾地相與祝為社祠焉嗚呼是憐々
誰實使之恢以比干之裔久居此土因而立祠

宦蹟

濮王泰

唐貞觀中在均州建延福寺浮圖記云隆本支於

衛梓昭茂葉于虞桐

殷均州

唐權德輿有此序而忘其名

李繁

處州郡守題名云唐李繁元和十二年自均州除

繁守兩郡皆有惠愛吏民甚德之

曹翰

宋太祖征蜀以翰為均州刺史鑿山開道商旅以

濟詔翰兼轉運使

司馬周卿

通判均州先是房州竹山有金溪出金豪族專其
利監司欲命官往市皆憚險辭周卿遂往躋攀崖

獻看之終盡條目公私俱利

尹洙

先知渭州董士廉城永洛洙奏罷之士廉上書訟洙乃責均州監稅

李垂

自絳州還朝宰相欲用為知制誥而垂不往見曰道之不行命也執政惡之出知均州郡有鹿脯羚羊角麝香山鷄皮姜蕤椒蠟之產吏白歲獻朝貴例也垂不從

范純粹

宋哲宗朝為戶部侍郎坐元祐黨謫居均州

韓維

宋元祐元年為門下侍郎後坐黨籍責安置均州純粹維皆名賢也

陳與義

號簡齋宋建炎二年為州守

王煥

繫年錄云宋建炎四年江中賊犯均州知武當縣王煥率邑人保山寨賊至或勸之遁煥曰使吾有此心則不能與邑人為此來矣遂舉家俱死

凌景夏

宋紹興二十二年知均州先是景夏在秘館與秦檜異論閑居十餘年

楊恢

宋紹定二年知均州下車之後建立比干祠以勸臣忠以勵俗壞金人犯均州甚急恢率官吏盡力固守金圍困幾旬月而恢守益固卒全一城後改知黃州兼淮西提點刑獄

人物

龐德公

圖經云山有此巖德公襄陽人居此山後携妻子登鹿門采藥不返今有隱處

張士遜

光化人也而均州鄖鄉縣有鄧公里有功德院在焉士遜雍熙中植桐于蕭寺壬辰登第後仕至宰輔告老來寺留題有曰桐枝手植有同孫二紀重來愧此身三匹衣魚聯貴任十洲軒冕接清塵耕桑雖喜多新隴耆艾堪嗟嘆故人蕭寺前題粉壁在又書丁巳對壬辰

僊釋

陰長生

從陰皇后族聞馬先生有道隱武當山從其學從

在忠州仙都白日飛昇

謝允

真誥稽神樞云字道通歷陽人咸康中入武當山

水經云允捨羅邑宰隱遁此山故曰謝羅山

劉虬

字靈預宋泰始中為晉王府記室參軍解官辟穀

隱武當山今劉爽巖是也

尹真人

南雍州記云武當山有石室相承云是尹喜巖有

銅床玉案閣經及郡縣志云武當有尹喜巖即其

處

山世遠

陶弘景云世遠即尹公弟子捨家入道得為太和

山真人武當古謂之太和山事見真誥

真武

隋開皇元年三月三日誕生而神靈居武當山四

十二年飛昇今有飛昇臺即其地

陳搏

字圖南亮人舉進士第從武當山移居華山

黃衣道者

宋開寶中有元明武當山朝曦欲上宿霧半開見
其一黃衣人經藏中坐招之已失但聞異香馥郁詩
曰八十老翁自說曾為霧裏見仙人張鄧公詩集

云

慧哲

姓趙襄陽人誦經嵩中龍子來聽

處洪

唐末居武當山時王建以盜繫獄吏縱去遁武當

山處洪語曰子骨特奇宜從軍求富貴奈何為盜

建感其言隸忠武軍後為蜀王

慧忠

住武當山七年唐天寶末安祿山遣其將武令珣
圍鄧令珣問燕主滅教師憤然曰逆雛安足問但
吾生靈自厄耳祿山滅南陽山表其事肅宗召忠
賜號國師

大元大一統志卷

奏進集賢大學士資善大夫同知宣徽院事臣李蘭躬

昭文館大學士中奉大夫秘書監臣岳鉉等

房州

房陵縣 竹山縣

建置沿革

禹貢梁州之域楚地翼軫之分野鷄尾之次于辰
在巳舜封堯之子丹朱于房古麋庸二國之地庸
以兵助周武王春秋左傳云文公十一年楚子伐
麋成大心敗麋師于防渚闞駟以為防陵即春秋

時防渚防渚之得名自此始戰屬楚秦惠文王十三年攻楚取漢中地置漢中郡始皇徙趙王遷于房陵呂不韋之家亦徙焉徙趙王遷呂不韋並二據王象之紀勝云

漢曰之房陵及上庸縣並屬漢中郡東漢末獻帝改防為房立房陵郡又置上庸郡建安二十四年

蜀劉備遣孟達攻房陵上庸二郡魏文帝黃初元年以蜀將孟達來降乃合房陵上庸西城三郡為

新城以達為太守理上庸後達叛魏降蜀司馬宣王討平之移理房陵太和二年析新城郡地置上

庸郡歷晉宋齊為新城上庸二郡新城郡領縣六理房陵上庸郡

領縣七理上庸縣梁天監末置岐州與郡同理房陵侯景之亂地入西魏改新城國為光遷國魏廢帝後周

武帝廢光遷國改置遷州此據元和郡國志及通典隋煬帝廢州為房陵郡領縣四曰光遷竹山房陵上庸唐武

德元年改遷州又于竹山縣置房州領竹山上庸武陵三縣貞觀元年隸山南道尋廢遷州遷房州

于廢遷州城唐志貞觀十六年十年省武陵縣隸山南東道唐會要在武后時中宗居房州天寶

元年改房陵郡乾元元年復為房州梁開平元年房州刺史楊虞叛附于蜀宋隸京南路太祖以周

鄭王出居房州謂辛文悅長者命知房州事時則
開寶二年也太宗雍熙三年十二月癸巳置保康
軍于房州以劉繼先為節度使高祖建炎初置金
房開遠四州安撫使以房隸于金州二年金人入
寇公私室廬俱為煨燼遂移治竹山紹興三年復
遷于房陵之張羅平六月廼移理南山之南隆興
元年專隸京西路紹定四年遭兵亂焚毀明年復
立州治遷于城南五里德祐元年夏知州事黃思
賢聞江陵府歸附于是至江陵中書行省自納土
國朝遣千戶鎮守仍命思賢領州事還州于旧理至元

十九年九月隸襄陽路遥領縣二

房陵縣

唐書宰相世系表云舜封堯之子丹朱于防朱生
陵以國為氏左傳為防子國元和郡國志云本漢
舊縣屬漢中郡初為防東漢改為房以陵為名隋
志云旧曰房陵置新城郡梁末置岐州後周郡縣
並改光遷旧唐志云魏改為光遷國武德初改為
遷州置光遷縣又改為房州兼改光遷為房陵宗
開寶初省永清入焉紹定四年經兵火隨州遷理
于城南

國朝還縣于舊治

竹山縣

本古之庸國漢之上庸縣周武王會諸侯於孟津庸人往焉尚書曰庸蜀羗茅微盧彭濮人是也左傳曰庸帥羣蠻以叛楚使盧戢黎侵庸後遂滅之通鑑報王四年秦置上庸縣故靳尚言秦將以上庸六縣易張儀于楚後漢立上庸郡隋志云梁曰安城西魏置竹山縣舊唐志武德元年置房州貞觀十七年移州治房陵縣宋開寶初省上庸縣入焉紹定四年郡遭兵禍竹山去州一百二十里亦

焚燬後橋治于縣南

國朝復還舊理

坊郭鄉鎮

房陵縣

修文鄉 宜陽鄉 夏半鄉 房陵鄉 禮義鄉

竹山縣

寶豐鎮

里至

本州

東北至上都三千九百五十里

東北至大都三千一百五十里

東北至本路五百里

東至南漳縣界山二百二十里

南至均州房陵鄉山界二百四十里

西至金州尹店江界二百九十里

北至均州界山一百八十里

東到南漳縣四百一十里

南到歸州四百五十里

西到均州二百七十里

東南到峽州夷陵縣四百二十里

東北到穀城縣二百六十里

西南到歸州興山縣三百五十里

西北到金州白土關三百三十里

房陵縣

東北至上都三千九百五十里

東北至大都三千一百五十里

東北至本路五百里

東至南漳縣界山二百二十里

南至均州房陵鄉山界二百四十里

西至竹山縣倒駱坡八十里

北至均州界山一百八十里

東到房陵縣一百二十里

南到歸州五百六十里

西到金州四百五十里

北到均州鄖縣二百八十里

東南到峽州夷陵縣六百三十里

東北到穀城縣六百六十里

西南到歸州興山縣四百八十里

西北到金州白土關二百一十里

山川

房山

在房陵縣西三十里山四面有石室似房同名寰

宇記云

鳳凰山

在房陵縣西三十里誌公和尚梁武帝朝為國師

遊行至此住錫名曰鳳凰山

九室山

在州西四十里爛柯山有仙宮唐封名為天保之

殿山上有陳搏修煉之所故名曰九室山

阜山

在房陵縣南圖志云魯文公十六年戎伐楚西南至于阜此其地也

南山

在房陵縣南宋建炎二年正月簡齋陳與義在房州城遇金騎至奔入南山十五日抵回谷張家有詩云久謂事當爾及意身及之避寇連三年行半天羅我非洛豪士不畏窮谷飢但恨平生志輕了少陵詩今年奔房陵鉄馬背後馳造物亦惡劇脫命真毫釐南山四程雲布襪傲嶮巖籬間老炙背無意管安危知我是朝仕亦復顰其眉呼酒軟客

脚氣本濯玉肌窮途士易得歡喜不復辭向來貪讀書閉戶生白髭豈知九州內有山如此竒自寬實不情老人亦解願投宿恍世外青燈耿茅茨夜半不能眠澗水鳴聲悲

鴈山

本景山也在房陵縣西南二百里山海經曰荆山之首曰景山鴈南翔徧經其上去由此改曰鴈山定山

吳魯漫錄云房陵定山有朱仲子園三十六所

鷄鳴山

在房陵縣北百里

馬息山

在房陵縣北七十里

馬盤山

在房陵縣

黃竹山

元和郡國志云在房陵縣北百里曰黃竹嶺為名

建鼓山

在房陵縣袁崧記云登勾將山見馬鬣建鼓巍然
半天元和郡國志與駁山相接冬夏積雪

覆船山

在房陵縣西

停舟山

在房陵縣西

石門山

在房陵縣陳簡齋詩云石門泄風無旦夜古木截
道藏雷雨

爛柯山

在房陵縣西南四十里即樵人爛柯處也

罵詈山

在房陵縣西面有三十四山其名惡者目之曰罵
詈山

方城山

房州圖經云楚懷王二十年秦與齊韓魏共發兵
攻楚方城秦軍登山以望楚因取名望楚山元和
郡國志云方城山在竹山東山上平坦四面險固
山南有城周十餘里春秋庸地有四方城居其一
也楚使盧戢黎侵庸方城註云在上庸縣

望夫山

在房城縣南東渡江

兩乳山

在房陵縣

五女山

在房陵縣鄧村

女媧山

在竹山縣燕子山相對後溪劉光祖詩云女媧山
下少人行洞谷聲中一鳥鳴

庸城山

在竹山縣西五里舊名垂鼓山在上庸縣唐人昔
居此邑上置鼓曰名垂鼓又按隋志云竹山縣有

垂鼓山九域志云

礬石山

在竹山縣北旧云山有礬石其白如雪

白馬山

在竹山縣西南山石似馬望之逼真曹孟達嘆金城千里即此也

龍低山

在竹山縣南二里古老相傳昔有道士王若冲于此山服栢葉白日冲天

燕子山

在竹山縣寶峯鎮之左

橫鞍山

在竹山縣庸城山相近

長羅山

在上庸縣即竹山縣北四十里

倉樂山

在竹山縣東北百餘里舊經云昔有邑人徐無周家富積粟于此後遇飢饉民乏食發倉粟以救飢鄉人德之故名此山

長腰山

在竹山縣

望僊山

在竹山縣

二經山

在竹山縣百文山隔岸

九女山

在竹山縣望仙之山右

百文山

在竹山縣微江對岸

大元大一統志卷

集賢大學士資善大夫同知宣徽院事臣孛蘭忒

昭文館大學士中奉大夫秘書監臣岳鉉等

麗江路軍民宣撫司

巨津州 通安州 蘭州 寶山州 北勝府

建置沿革

禹貢梁州之域天文嘴分晉書越雋郡入史記云自雋

以東北君長以什數徙笮都最大徙音斯笮音昨索隱曰徙笮二

國名常昭云徙縣在蜀笮縣在越雋考今沿革漢定笮縣在栢興府之西則笮以西之地明矣

自冉駝以東北君長以什數白馬最大按今沿革圖志本路

之南有漢武帝開越雋郡以箬置定箬大箬箬秦
白馬寨賓岡徽曰即摩沙夷唐書為磨些蠻今沿革
等縣為磨些蠻蓋傳之訛也後漢書以箬作箬

通典云晉宋以來曰之隋唐為雋州改定箬置昆
明縣後又陞為昆明軍按唐書雋州中都督府徙
治臺登西有昆明軍其西

有寧遠軍考今大和以後没于蠻是為越析詔或
圖志正其地也謂磨些詔居故越析州唐戮其酋長地歸南詔唐

書列傳云南詔於此置麗水節度又云麗水多麩

金考今沿革圖志本路出金有江曰麗江古謂麗
水白夷謂金沙江磨些蠻謂漾波江吐蕃謂犁

樞江曰今又名又云浪穹詔奪劍共地由是徙鐵橋
江曰不魯失

在劍股西北四百里號劔羗考今沿革本路東南
劍川縣即劍

至同磨蠻些蠻與施順二蠻皆烏蠻種居鐵橋鈔

州志古鐵橋在本路巨津驃傳又云黎邛二州之
北霞和烏市坪

東又有凌蠻西有三王蠻蓋箬都夷白馬氏之遺

種馱此考之箬都唐書又云有浪稽蠻羅哥谷蠻
白似同

西有磨些蠻與南詔越析詔相姻婭自浪稽以下

古滇王衰牢雜種其地與吐蕃相接亦有姐羗古

白馬氏之裔今圖志本路之南有白馬寨南詔衰
即其所築西北吐蕃界

後大理亦莫能有其地乃磨些蠻蒙醋為酋長

世襲據之至三十九世孫和牒和字和失癸丑年

世祖聖德神功文武皇帝親征大理師次此地遣元良

合夕元帥平之戮和牒和夫有和字出降甲寅年授和牒男阿軋銀牌管領茶罕章軍民事至元八年置茶罕章宣慰司十一年撥屬

皇太子位下十五年改茶罕章為麗江路軍民總管府治巨津州之南羅波半空半空城二十二年更置軍民宣撫司

巨津州

即羅婆九睽北有三州鐵橋西接牟浪共城職羅眉川按今圖志鉄橋在本州之地昔漢獯二蛮所居之地後為磨些蛮侵奪其地南詔并六詔磨些亦一詔也以

其地置麗水節度本州境其屬也甲寅年

國朝收付本睽之初隸茶罕章軍民官至元十五年置

巨津州隸麗江路考今圖志本路宣撫司於本州南境羅波半空城置司縣一曰臨西

臨西縣

磨些蛮羅哀間之地後因名其地曰羅哀間西北邊吐蕃界其地時為吐蕃所侵殘故二蛮渾處然寔隸磨些甲寅年歸附

國朝至元十四年以羅哀間置臨西縣隸巨津州

坊郭鄉鎮

巨津州

羅波旬

聚閉奏邑

大蘆珠奴邑

阿諾邑

葡萄和邑

西場間邑

茶兜邑

閣姑羅邑

鍋北邑

軋江邑

占候閣邑

靈佛寺登邑

阿那和柵

臭場邑

大漏和邑

湯睽

清水湖邑

捨排邑

悶水湯邑

拾造邑

落秋邑

木哭和寨

納末邑

鐸邏邑

歷邏邑

力雞場邑

索蒲和寨

鷓納和寨

納師和寨

姑明和寨

占僕和寨

納羅和寨

谷都和寨

古失和寨

蒙師棖邑

霞和寨

納資羅邑

娑夷邑

沙邏邑

悶昔的邑

董水傍邑

白帖和寨

羅別姜邑

如赫和寨

悟哇和寨

截師和寨

納坡和寨

和去和寨

悟場邑

侵箇邑

車月場邑

葛濟邑

大連邑

細蓮邑

些婆姑邑

淋都邑

大機邑

罄原邑

臨西縣

吐蕃

羅哀寨

闊勒怒邑

額鐸邑

塔池邑

逆配的邑

羊納邑

鳩匿場邑

嗟却邑

塔扎和寨

亞度邑

磨些

鷄和寨

刺到和寨

反悲和寨

薺被羅和寨

里至

本路

北至上都九千九百四十五里

北至大都九千一百四十五里

東南至行省中慶路城一千三百一十里

東至羅：斯界策脚寨五百六十里

西至蘭州水琅山外獯蛮界四百八十里

南至鶴慶路劍川縣界木和寨十里

北至未附吐蕃竹羅界三百四十里

西南到鶴慶路劍明縣界二百一十里

東南到大理路趙州界五百七十里

西北到吐蕃閣納實界四百八十里

巨津州

北至上都九千九百四十五里

北至大都九千一百四十五里

東至通安州阿那傍山頂四十五里

西至蘭州入慶井界二百八十里

南至通安州馬呼谷界七十里
北至小旦當栢坡告界二百四十里
東北到土蕃樣車閣二百三十里
西南到通安州寄和界三十里
西北到蘭州路駁界二百一十里

臨西縣

北至上都一萬一百六十五里
北至大都九千三百六十五里
南至本州二百二十里
東至吐蕃大旦當習明鋪和一百五十里

南至本州界明路三里
北至未附生蠻竹羅界八十里
東北到吐蕃大旦當拔着七十里
西南到蘭州界月習一百二十里
東南到本州界蓋義七十里
西北到吐蕃界香裏七十五里

山川

漢藪山

在巨津州西北二百八十里
各寬五畝深不可測土人遇旱禱雨于此

金沙江

古麗水也今亦名麗江白蛮謂金沙江磨些蛮謂漾波江吐蕃謂犁樞源出吐蕃共隴川犁牛石下亦謂之犁牛河至臨西縣境遠猪婆山弄視川南流過鐵橋臨巨津州破雪山出宝山州而去此江沿河皆出金白蛮遂名曰金沙江

土產

金

出金沙江淘沙得之

滑石

出巨津州東一百里小山內

朴硝

出巨津州一百里畔列滄邑神外龍山臨江崖中

冬月取硝煎成

粳糯

麥

粟

馬

羊

獵犬

鹿茸

野豕

鷹鷄

赤山白鷄

猴

飛鼠

熊皮

麝

巨津州及臨西縣並出

魚

蜜蠟

氈

麻布

綿細

木耳

摩菰

桃李

胡桃

松子

林檎

桂皮

天仙子

出巨津州

風俗形勢

漢裳蛮本漢人部種在鐵橋惟以朝霞纏頭餘尚同漢服唐書云

越析詔或謂磨些詔居越析州西距曩葱山唐書云

磨蛮些蛮與施蛮皆烏蛮種居鐵橋大婆小婆等川多牛羊俗不類澤男女衣皮俗好飲酒歌舞唐

書云

東有麗水西有蘭滄橫連千里雄據九賧有鹽七井之貨領寨五百餘處南接大理北距吐蕃

麗江路治半空邏城有鉄橋城牟郎共城傍弥潜城有魁川橫川即婆川桑川羅眉川蛮有八種曰磨些曰白白羅落曰冬悶曰峨昌曰撓曰吐蕃曰獯參錯而居故稱一國磨些蛮最多於諸種男女紅帛纏頭女人頭髻如

河西此部人善騎射最勇厲

古蹟

鐵橋

在巨津州之北其處有城亦名鐵橋城吐蕃嘗置
鉄橋節度于此橋或謂吐蕃所建或謂隋開皇三
年史萬歲及蘇榮所立或謂南詔閣羅鳳結吐蕃
時所作歲月日遠故的說唐南詔異牟尋叛吐蕃
復歸唐合唐兵攻破吐蕃斷鉄橋之後自此橋廢
基址尚存

白馬寨

在巨津州南二里按唐書云西有磨些等蠻其地
與吐蕃相接亦有姐羌古白馬氏之裔居寨故名

雪山門

昔越滅根閩也吐蕃小旦境有山名樣徹閣磨些
境有山名木習閣兩界立此閩焉

國朝至元十五年行省賽典赤平章時於此重修之更
名雪山門以軍戎之

大元大一統志卷

奏進

通安州

建置沿革

州治三睽亦曰樣渠頭睽古篠都國地漢開西南
夷為越雋郡以西之境唐書云故越析州磨些詔
之地後并入南詔傳至大理其民本昔濮緝蠻後
磨些蠻葉古乍舒匿赤侵奪其地世襲據有三睽
至二十四世孫麥兀癸丑年歸附

國朝初屬茶罕章管民官至元十二年置三眼管民官
十四年更置通安州隸麗江路

坊郭鄉鎮

九禾鄉 白鶴場邑 班柵邑 東和

木瓜和寨也 赤土和 上柵邑 怒邑

大葉場邑 白渡邑 普朋邑 清水江邑

胡孫坪邑 陰沉邑 蘓間門邑 白渠渡邑

阿剌鄉 剌和 木哭和 焦郎和

大石邑 才匿渠和 阿施和 烏和

睽苴和 撒八谷邑 咱麻邑 諸宗邑

謝列邑 大列邑 山荅和 習利和

魁閑邑 係羅邑 多和 都園邑

氣列邑 園列邑 他揭邑 樂落邑

細研邑 他蒲邑 羅羅和 魯蒲和

蒲斗鄉 大斫邑 霓和 刺沙住和

刺卜和 判谷邑 刺漂和 弥兜鋪和

習苴和 古乍鄉 拔沙邑 稽羅和

束納和 束黑和 阿那和 坡坪和

園習和 園禿和 木盤和 木瓜和

納鳩和 剌殘和 蒲耳和 刺加和

落渴谷邑 西渴和 雞那和 楊成邦和

習叢鄉 木波和 易可和 桑卑和

束和 自兜和 顧乍鄉 刺沙和

迷寺羅邑 羅和 波細和 彌勒場邑

被乞和 蒲哭和 頭習徒和 蘆和

木葉和

目瞳鄉 自梨村 盤慢村 咩地務村

里至

北至上都九千九百二十五里

北至大都九千一百二十五里

西北至本路八十五里

東至順州撒八橋金沙江界八十里

西至巨津州界四十里

南至昔西和鶴慶府界四十里

北至巨戎光寶山州界六十五里

東北到宝山州界一百里

西南到劍川縣界一百一十里

東南到鶴慶路羅維渡一百二十里

西北到巨津州界四十里

山川

神外龍雪山

在州北三十里條岡百里巋、千峯上插雲霄下
臨麗水嶺巔積雪冬夏不解巖崖澗谷清泉飛流
唐時南詔嘗封是山為北岳廟基尚存癸丑年

世祖聖德神功文武皇帝南征大理師次于此按後漢
書永昌郡邪龍縣註引南中志曰縣西高山相連
有大泉水周旋萬步名馮河縣西北數十里有山
象山之中特高狀如扶風太一鬱然高峻與雲氣
相連結固陰沍寒雖五月盛暑不熱廣志曰五月
霜雪皓然今考圖志本州以南接永昌界當即此

也

珊碧外龍山

又名外龍女山在州西南二十里孤峯峭岸濕翠
摩空上產箭竹山半數泉湧出下注成溪灌溉民
田萬頃

霓溪

源出州北二里藥蕒和山下旋遶州境南流出鶴
慶路界

些蘇溪

姑霓溪箇霓溪塊麥溪等四溪水源悉出神外龍

山周流州境灌溉民田南流出鶴慶路境

土產

馬

獵犬

紙

降真香

氈

布

木瓜

石達茨子

虎皮

熊皮

麝香

野猪

鷹鷄

猴

風俗形勢

據雪山麗水之奇勝地土肥饒人資富強習俗勇

厲

古蹟

雪山廟

唐南詔蒙氏封是山為北嶽正祠其神號曰北敵
安邦境帝今廟尚存

人物

麥宗

磨此人也祖居神外龍山下始生七歲不學而識
文字及長旁通吐蕃白蛮諸家之書隱居山林壽
五十有五而卒舉火時烏鵲群集各啣一木赴火
臨終數年前嘗言此後當有帝王之師壓境惜吾
不逮見矣未及二年

世祖聖德神功文武皇帝親征南中取道自吐蕃至大
理師次本境後土人遂神其言

大元一統志卷第五百四十四

奏進

集賢大學士資善大夫同知宣徽院事臣李蘭躬
昭文館大學士中奉大夫秘書監臣岳鉉等 上進

鄜州

洛川縣 中部縣 宜君縣

建置沿革

禹貢雍州之域星分入東井輿鬼鷄首之次漢天

文志北地上郡皆屬鷄首春秋白翟國秦始皇時

地屬上郡漢為上郡雕陰地此據元和志及寰宇

秦漢皆屬上郡魏武暨晉陷于羗羯不置州郡於

帝有焉失于詳考耳

坊州中部界置杏城鎮元和後魏太和十五年改

鎮為東秦州孝明二年又改為北華州此據魏志及輿地廣

記所廢帝二年改為鄜州因秦文公夢黃蛇自天

下屬地遂於鄜立鄜時為名此據元和志及職方

惟圖冊則云周改為隋大業三年罷州置鄜城郡

其年自杏城遷理於五交城唐武德元年改為鄜

州領洛交洛川三川伏陸內部鄜城六縣二年以

內部鄜城隸坊州元和三年置直羅縣貞觀二年

置都督府六年為大都督府九年復為都督府天

寶元年改為洛交郡後陞為保大軍節度使屬關

內道郭子儀領節鉞即此地也乾元元年復為鄜

州宋康定二年即鄜延縣治置康定軍使仍隸州

熙寧七年省三川縣為鎮入洛交金因之

國朝得地之後廢節度止立散州初領洛交洛川鄜城

直羅四縣至元四年併鄜城入洛川又併洛交直

羅入州自理六年廢坊州以中部宜君二縣屬鄜

州今領縣三

洛川縣

本漢鄜縣地屬馮翊屬馮翊三字據東漢省郡國

志無鄜後秦姚萇置縣因洛川水以立名後魏置

縣二字

敷城郡隋開皇二年罷郡張洽地理沿革表以縣屬鄜州自高槐移理焉歷五代宋洎金並因之
國朝不改舊名至元四年併鄜城入隸本州

中部縣

本漢翟道縣地屬左馮翊漢書渠搜中部都尉理所為朔方郡第七縣莽曰溝搜東漢郡國志朔方郡下無渠搜二字
魏晉戎翟居之後秦姚興於所治南十八里置中部郡後魏太武改為中部縣文帝大統九年避國諱改為內部大業三年廢鄜州為上郡而縣自杏城移理仍隸上郡唐武德二年復于此置坊州及

中部縣元和志云天寶曰中部郡屬關內道宋因之

國朝至元二年以縣隸延安路六年廢坊州併入中部

縣屬鄜州

宜君縣

春秋白翟地張洽地理沿革表云西漢左馮翊後東漢郡翎縣地東漢左馮翊管十三城此居其四國志云寰宇記云前秦苻堅於後翎古城北置宜君護軍元和志云後魏真君七年改為宜君縣又置郡大統五年又遷于華原縣北為理隋志云開皇郡廢

屬京兆郡唐初屬宜州寰宇記無唐初屬宜州貞

觀十七年廢地入雍州二十年於此置玉華宮仍

即宮南四里置宜君縣永徽二年縣與宮俱廢龍

朔三年坊州刺史竇師倫奏再置宜君縣屬坊州

天寶十二年析置升平縣宋熙寧元年省為鎮入

宜君圖冊云宋熙寧中改宜州金因之

國朝初併入坊州中統元年復置屬延安路至元六年

併入中部縣十四年復置二十二年改隸鄜州

坊郭鄉鎮
洛川縣

開府村 安善村 安公村 東王村 太平村

進漢村 百谷村 王和村 石堡村 青龍村

安粟村 石泉村 得亨村

中部縣

獨戰村 立石村 唐和村 龍坊村 太平村

宜君縣

孟晃村 道臺村 姚曲村 集賢村 雷成村

雲陽村

里柔

本州

東北至上都三千一百八十里

東北至大都二千三百八十里

東北至延安路一百八十里

東至宜川縣一百里

西至慶陽府邠州界一百三十里

南至耀州同官縣界三百里

北至甘泉縣界四十五里

東到宜川縣一百八十里

南到中部縣一百四十里

西到慶陽府寧州五百里

北到甘泉縣九十里

西北到安塞縣併管敷政縣一百七十里

東南到安西路澄城縣二百五十里

西南到慶陽府邠州五百里

東北到甘泉縣省併臨真縣二百里

洛川縣

東北至上都三千二百四十里

東北至大都二千四百四十里

西北至鄜州六十里

東至宜川縣界七十五里

西至中部縣界八十里

南至澄城縣界一百六十里

北至本州界二十八里

東到韓城縣二百五十里

南到白水縣二百五十里

西到寧州四百里

北到甘泉縣一百五十里

東北到宜川縣一百八十里

東南到同州三百七十里

西南到中部縣一百二十里

中部縣

西北到本州六十里

東北至上都三千三百二十里

東北至大都二千五百二十里

北至本州一百四十里

東至洛川縣界五十里

西至寧州界一百五十里

南至寧君縣界一十五里

北至廊州界五十五里
東到洛川縣并管廊城一百二十里

西到寧州三百二十里
南到宜君縣一百四十里

北到本州一百四十里

東北到洛川縣一百二十里

東南到白水縣一百四十里

西南到三水縣二百五十五里

西北到省併直羅縣一百四十里

宜君縣

東北至上都三千三百九十里

東北至大都二千五百九十里

北至本州二百一十里

東至洛川縣界二百里

南至同官縣界三十里

西至寧州界二百里

北至中部縣界七十里

東到洛川縣併管廊城一百五十里

南到同官縣九十里

西到三水縣二百五十里

北到中部縣七十里

東北到洛川縣二百里

東南到白水縣一百三十里

西南到寧州三百里

西北到本州直羅廢城一百八十里

山川

橋山

在中部縣北一里廼軒轅皇帝墓衣冠之所山下有沮水或曰古沮水分流潛穿山底經過因名橋山寰宇記引史記云黃帝葬此山陵塚尚存唐大曆元年置廟宋開寶二年勅修廟祭祀在州西二里按李吉甫元和志寧州真寧縣東八十里子午

山亦曰橋山黃帝陵在山上羣臣墓衣冠之所今

兩存之

石堂山

寰宇記引註水經云潛水出翟道縣西石堂山本名翟道山又穆天子傳云癸酉天子命駕八駿之駟造父為御南征朔野徑絕翟道并于大行翟道即縣之西石堂山也郭璞以為隴西翟道則非

玉華山

在宜君縣西南四十里有唐太宗避暑宮張齊賢燕談錄云雍熙二年玉華山獲一角獸坊州守臣

姓名其以為瑞十月己亥太宗召宰臣觀之咸奏曰
按瑞應圖壯曰麒麟曰麟昔嵐州所進麟也此乃
麒麟也請宣示中外上不許但羨于禁中因諭輔臣
曰時和歲豐是為上瑞此何足云

大樂山

政和重定九域志云在直羅縣直羅今併入州

洛河

自洛川縣北三十里廊州境南陽村西南入境流
七十里至交口村東南流地里沿革表隋文帝分
三川洛川縣以置此額取洛水之交故曰洛交屬

廊州舊圖經云自交口村南流入中部縣又南流
一十五里至楊家庄合沮水東南流四十里至廊
城十二盤出境寰宇記云洛水在坊州東四十里
按山海經云出白祚山地理志云洛水出北地歸
德縣北蠻塞中從廊州洛川縣西南入中部廊城
二縣遇入同州白水縣

沮水

自中部縣西北子午嶺發源東流二百里至本縣
三十里楊家庄東南順流入洛

子午水

在宜君縣管內昇平廢縣北一百里出子午嶺東
南流入中部縣合沮水樂史寰宇記云禹貢謂漆
沮二水出馮翊北即子午水下合榆谷慈烏等川
遂為沮水

淺石水

寰宇記引水經云水出翟道山今中部縣地

香川水

寰宇記云源出中部縣北香水在縣西南三十七
里自宜君縣界東南香水在縣西南三十五里出
于遺谷

泥水

寰宇記引水經云水出翟道縣泥谷按圖經泥谷
水在縣西北五十里源自栲栳谷來

慈烏水

在宜君縣西北四十里源自升平鎮分水嶺東流
入本縣界又石盤水在宜君縣東五十里源自耀
州同官縣大石盤出東流入縣界

小塞門水

在今洛交廢縣西北十五里又白水按水經源出
洛交縣分水嶺界

三川水

寰宇記云川華池黑源水洛水同會謂之三水古為三川郡也杜甫寄家在鄜州身陷賊中未得脫有詩云三川不可到歸路曉山稠落雁浮寒水飢鳥集成樓趙次公詩註云三川即鄜州華水黑水洛水所會註引左傳周之亡也其三川震註涇渭洛水非是

蒲川水

寰宇記引水經云水東南流入坊州

州今廢併屬鄜州

羅川

在直羅廢縣今併州南二里詳見古蹟

土產

石脂

在鄜州東十五里採銅川有一石窟其中出此就窟可灌成燭一枝敵蠟燭之三至元七年上司移文封扁至今不採

石炭

在宜君縣西北一百里嘉會村有一石窟

石油

在宜君縣西二十里姚曲村石井中汲水澄而取

之氣雖臭而味可療駝馬羊牛疥癬
土硫黃

在宜君縣西南七十里野火山

連翹

蒼朮

瞿麥

黃芩

苦參

秦艽

胡麻

以上宜君縣出

風俗形勢

白翟故地羗渾雜居寰宇記云

秦塞要險地連京輔漢時匈奴頻入朔方故塞外

烽火照甘泉即今渭北九峻山是也同上按九域

志九峻山在醴泉縣

風俗奢侈競為浮靡之習廊洛圖經云

俗以夏月遊賞為重同上

女為男作圖經云

地近邊面比人精於製兵器坊州圖經云

中部宜君風土頗惡勇而不知義圖經云
洛水之交三水所會圖經云
城枕羅原其川平直戶部尚書崔仲方云築城以
居之故曰直羅
長城因河為塞圖經云
海邊昏霧兩塞外慘風沙司馬溫公詩云

大元大一統志卷第五百四十四

大元大一統志卷第五百四十五

奏進

集賢大學士資善大夫同知宣徽院事臣李蘭肱
昭文館大學士中奉大夫秘書監臣岳鉉等 上進

鄜州

古蹟

秦長城

在洛交廢縣今併東南四十里史記云秦將蒙恬
所築唐鮑容賦詩蒙公虜生人北築秦氏寃禍興
蕭牆內萬里防禍根城成六國亡宮闕啟千門生
人半為土何用空中原奈何天下人骨肉尚酬恩

投沙擁海水安得不久翻乘高恹人魂寒日易黃
昏枯骨貫折鐵河中如有言萬古驪山塋誰知野
火燔

翟道故城

在中部縣西北四十里故城是也周三里有餘北
後漢省宇文周曾於此城置利人縣尋廢

杏城

在今洛交廢縣

今併州漢胡伐杏本為柵以抗北邊

雕山縣地

在今洛交廢縣山之陰故曰雕陰唐詩人常莊賦

一絕云雕陰寒食足遊人金鳳羅衣濕麝薰腸斷
入城芳草路淡紅香白一群

朝那膚施

在洛交廢縣漢書云匈奴南侵至朝那膚施謂此
地也

夏太后城

在洛交廢縣南三十六里赫連勃勃聞劉裕滅姚
泓令其子義真等守自將兵入長安留太后於此
築城居之

赤沙城

在中部縣西七十里古戍城也
故洛交縣

元三鄉本漢雕陰縣地屬山郡雕山在西南故曰
雕陰魏省上郡晉為戎翟所居苻堅時為長城縣
後魏及周為三川縣隋文帝分三川以洛水交會
之所故置縣以洛交為名唐來因之金赤仍舊

國朝至元四年以土曠人稀併入鄜州唐詩人常莊遊鄜
州寒食枕外醉吟一絕云滿街楊柳綠絲烟画出
清明二月天好是隔簾花影動女郎撩亂送秋千
土產龍鬚蓆賦麻布

三川廢縣

州西南六十里三鄉本漢翟道縣地按翟道縣在
中部縣古城是也地理志云翟道屬左馮翊苻秦
于縣南長城原置長城縣屬長城郡後魏廢帝三
年改為三川取古三川縣為名屬中部郡隋開皇
三年隸鄜州唐因之宋熙寧三年省入洛交縣為

鎮

直羅廢縣

在州西南九十里三鄉本漢雕陰縣地魏省雕陰
縣晉時戎翟所居後魏置三川縣隋使戶部尚書

崔仲方築城居之唐武德三年分三川洛交于此
置縣因城為名宋因之金亦仍舊
國朝至元四年以土曠人稀併入廊州

廊城廢縣

州東一百二十里三鄉本漢廊縣地屬左馮翊後
漢省後魏于此置敷政縣屬敷城郡隋大業元年
改敷字為廊屬廊州唐武德二年改屬坊州唐末
李茂貞建為翟州梁開平三年改為禧州又改其
縣為昭化縣後唐同光元年復為廊城縣仍隸廊
州宋康定二年即此縣置康定軍使金廢之

國朝至元四年以土曠人稀併入洛川

故平縣

唐天寶十二載刺史羅希奭奏折宜興縣西北界
升平鄉三鄉以置之以鄉為名東南去宜君縣二
十五里尋以吐蕃侵據移縣在橫捧川宋熙寧二
年省為鎮屬宜君縣

故坊州城

禹貢雍州之域古白翟國秦屬內史漢書云朔方
為西部都尉休屠為北部都尉渠搜為中部都尉
故此為中部郡焉又郡國志云廊城本秦高奴縣

地翟道故城是也俗稱高樓城即春秋白翟所居
魏晉陷于戎羯劉石苻姚時于州西七里置杏城
鎮恒以重兵守之後魏文帝改鎮為東秦州孝明
改為北華州廢帝改為鄜州後周大和六年世祖
元皇帝作牧鄜州于州界置馬坊結構之處尚存
唐武德二年高祖駕幸于此聖情永感因置坊州
取馬坊為名天寶元年分為中部郡乾元元年復
為坊州元領中部宜君昇平鄜城四縣割鄜城入
鄜州宋熙寧元年又廢昇平為鎮中部宜君富有
藥材魏泰東軒筆錄云古詞芳洲漸生杜若謂芳

香之洲渚生此香草宋天聖間朝旨下坊州取杜
若雖一時文移之誤亦宰相不學故也宜君有簪
場此州地產龍鬚席弓弦麻非他郡所及金因之
國朝至元六年併州入中部縣屬鄜州

玉華宮

在宜君縣西四十里唐貞觀十七年于宜君縣鳳
凰谷置正殿覆瓦餘皆葺茅其地本縣人秦小龍
宅太宗曰小龍出大龍入當時以為清涼勝于九
成宮永徽二年廢宮為寺即以玉華為名西有駐
鵞崖東有石室甚奧外有水散漫流下狀如珠璣

號白水簾寺內有肅成殿玄裝法師于此院譯經
每言此閣浮之堯率也寰宇記云杜子美避難至廊過
此賦詩云溪回松風長蒼鼠竄古瓦不知何王殿
遺構斷壁下陰房鬼火青壞道哀湍瀉萬籟真笙
竽秋色正瀟洒美人為黃土况乃粉黛假當時侍
金輿故物獨石馬憂來藉草坐浩歌淚盈把冉冉
征途間誰是長年者蘓軾註云梁隱過此披覽遺
迹也無故碑攷驗往事蜀土石馬在淺草間可嘆
杏城鎮

姚萇置此鎮在中部縣東七里

開元坡

在廊州城外唐常莊詩云開元坡下日初斜拜掃
歸來走鈿車可惜數枝紅艷好不知今夜落誰家

廊臺

在廊城舊縣之東園宋元祐二年杜純佑來為令
築臺名以廊有詩兩載廊城著小冠一臺高築地
平寬向陽花木齊教放天下無春似此間

保大軍樓

即燕樓也蔡挺為郡守日建嘗修潤唐武元衡詩

云三川會合古鄜州紆紱來寬宵旰憂靜守化條
無一事東風獨上夕陽樓金時猶存正大末兵廢
塵玉亭

竹溪詩話云康識守鄜州日建謂唐詩人羅虬作
廊坊從事賦比紅兒一解為絕唱其詩曰花落塵
中玉墮泥香魂應上窈娘隄欲知此恨無窮處長
倩城烏夜啼摘塵玉二字以名亭金時厄于兵
火今犁為田矣

葦谷

谷有東南流入三川三川洛交廢縣今屬唐鄭玉詩云水會

三川漾碧波雕陰人唱采花歌舊時白翟今荒壤
葦谷淒風雨多

鳳凰谷

唐地理志宜君縣在此谷在玉華宮北四里詳見前註

杜甫工部故宅

在鄜州南六十里三川今存遺址工部觀三川水
漲有詩二十韻末數聯云不有萬穴歸何以尊四
瀆及觀泉源漲反懼江海覆漂沙斫岸去激壑松
栢禿乘陵破山門回斡裂地軸交洛赴洪河及閩
豈信宿應沈數州沒以聽萬室哭穢濁殊未清風

濤怒猶蓄何時通舟車陰氣不慘黯浮生有蕩泊
吾道正羈束人寰難容身石壁滑側足雲雷此不
已艱險終更跼普天無津梁欲濟願水縮因悲中
林士未脫象魚腹舉頭向蒼天安得騎鴻鵠又有
廊州月夜詩末云何時倚虛幌雙照淚痕乾又自
序云寄家廊城身陷賊中于一百五日對月感歎
而作云無家對寒食有淚如金波子美脫身至行
在得左拾遺奉詔歸廊州挈家有詩云青袍朝士
最困者白頭拾遺徒步歸又作北征古風七十餘
韻東坡蘇子瞻曰子美北征詩識君臣大体忠義
之氣與秋色爭高可貴也

黃原祠

在三川廢縣有水發源于破羅谷南流經祠東合
葦川是也

楊班祠

在廊城廢縣周地圖記姚萇時立節將軍楊班居
黃梁谷北其谷西有水谷由來無水夜中忽有人
語就班借車牛十具欲移徙我是湫神尋則聲絕
班即備車牛十具置門前至明車濕牛汗乃尋車
輒至乾谷中忽有水方二百餘步其水極深叵測

冬亦湛然每水旱祈禱有應今按楊班湫水周一里餘二十步

軒轅廟

在橋陵東五里官為三歲一祀唐姚合詩有遺廟空山草木長之句

廊時祠

此漢郊祀之所也春秋白翟故地漢志云秦文公東獵沂渭夢大蛇止于廊時以問史敦曰此上帝徵君祠之于是作廊時用三牲郊祀白帝焉杜甫北征詩有坡陀望廊時巖谷互出沒之句

漢武廟

在洛交廢縣有僊宮城今相思川也

鳳山寺

方輿記云山在廊城嘗有五色雀見因以立寺久廢

玉華寺

即玉華故宮也前已詳杜少陵註者云廊州有此宮即隋仁壽宮按九成宮在鳳翔府麟遊縣西一里而註者蓋誤今不取

官蹟

尉遲敬德

唐武德初有同州刺史封鄂國公改鄜州都督敬

德為唐名將尋移夏州授開府儀同三司

王承元

自檢校工部尚書義成軍節度使徙鄜坊丹延等

節度使承元鎮鄜奉公守法于州民有愛利未幾

移鎮鳳翔

李愬

自太子中允出為坊州刺史治行異等改晉州

劉元

宋治平二年六月辛未以東上閣門使嘉州團練

使知鄜州事元初權涇原副都總管與轉運使陳

述古交訟既罷而代元者遂發元過用公使庫錢

詔元赴永興軍聽劾御史中丞賈黯言國家任用

將帥當責以捍邊禦寇之劾細故宜畧可以得死

力况今西戎數擾方當以恩威御諸將所宜思太

祖寬待李漢超等而懲慶曆中罪尹洙等之失若

凡苟無大過願赦而不誅仁宗納其言故有是命

凡在郡威惠兼用兵民懷之夏人不敢犯塞後移

守鳳翔

种世衡

自同州僉書判官改鄜州判官初康定元年夏人犯延安王師不利朝論以堡障衆多有分兵之患其間有遠不足守者即今罷之寇驕而貪益侵吾疆百姓受害世衡時為大理丞領鄜州幕府建言延州東北二百里有故寬州請因其廢壘而興之以遏寇衝左致河東之粟右固延安之勢北圖銀夏之田有是三利朝廷從之以世衡董後事世衡與兵民暴露數月且戰且城然處險苦無泉水議不可守鑿地百有五十尺始至石工徒拱手曰

是不井矣世衡曰過石而下將無泉耶爾其屑而出之凡一畚償尔百金工復致其力過石數重泉發飴甘而不耗萬人歡呼曰神乎雖夏兵重圍我無困渴之患用是復作數井兵民馬牛皆大足自是而陟患無泉者悉倣此大蒙利焉既而朝廷署故寬州為青澗城授以內殿承制知城事

种詒

世衡長子以西上閣門使知鄜州先是守鎮戎護邊政成給餉無乏朝廷謂詒有幹力故命之守鄜尋告老提舉上清太平宮

种誼

誼之弟先守岷州能俘獲鬼章青宜結獻于朝遷
西上閤門使徙知鄜州夏人將犯延安帥趙高以
誼統制諸將賊聞誼至皆潰鄜州謂得誼勝重兵
二十萬改知蘭州

薛向

先監在京權貨務權知鄜州時大水冒城鄜州兵
二指揮戍延安兵聞之詣州總管王興求還興不
能決乃相率逃歸至則衆人無存者乃聚衆為盜
郡人震恐向遣親吏喻之曰冒法以救父母妻子

人之情也而不聽汝歸者武帥不知變之過也汝
聽吾言亟歸收親屬之尸吾當貸汝擅遠罪之不
聽吾言汝無噍類矣皆泣謝境內乃安久之遷河
北提點刑獄

李師中

舉進士知洛川民有罪妨其農時者遣歸令農隙
自詣吏令當下者榜于門或召父諭之租稅皆先
期而集嘗出鄉亭見戎人代華人耕作誼之皆用
兵時潛入中國人藉其力往與為婚媾師中以
華戎不可雜處遍索境內得數百言之于師用

其言大索旁郡得戎人內居者甚衆但徙之極邊
龐籍為樞密副使荐其才召對轉太子中允知數
政縣權經畧使屬官

蔡挺

自通判涇州徙鄜州范仲淹宣撫陝西河東薦其
才可用有守邊之政尋又以呂夷簡薦改開封府
推官其後累歷邊任子護塞有能稱

康識

按潁潁蘇轍行制詞曰朝廷急于用人故士有以
資未應格進攝事者尔以才智足用擢守鄜時歲

月既久治辦有聞俾正厥官益思所報

張確

宣和初自通判杭州攝睦州以平方臘功知坊州
今併入撫懷羌族得其歡心朝廷宴安確驛疏言

金人必入寇語極諄切改汾州又移解州後以隆
德死節聞贈述古殿學士

劉涇

紹聖末自真州移知坊州有學行世所謂前溪先
生也專以仁厚為政土產龍鬚席朝旨索取涇惟
常貢外不以奉權貴宰相章惇未如之何元符末

上書力喻不當誅元祐人立黨籍徽宗初即位召為職方員外郎

人物

崔仲方

隋時人戶部尚書愛其風士築城以居之謂其城枕羅原川平而直故後人以直羅名縣仲方嘗開通湮塞之渠濬溉田萬頃土人甚德之

劉延慶

鄜州人也世將家雄豪有勇數從西伐屢立戰功累遷泰寧軍留後徽宗謂留後乃五代藩鎮官以

親信官留後務遂為承宣使又以破夏人俘馘有功拜保信軍節度使童貫討平方臘徒領三城貫北伐延慶又從之坐隨貫退兵謫筠州子光世討逋河北賊有功復拜延慶鎮海軍節度使後死于難光世從高宗南渡為中興名將父子再世建節將門榮之

僊釋

法天

法天者本中天竺摩伽陀國僧也唐自元和後不復譯經江南始用兵之歲法天來至鄜州與河中

梵學僧法進共譯經義始出無量壽尊勝二經七
佛贊法進筆愛綴文知州事王龜從潤色之道法
天同法進獻經闕下宋太祖召見慰勞賜以紫方
袍法天請遊名山許之
維道人

不知何許人嘗遊洛交之相思川不如葦不飲酒
冬不火夏不筭遇異人得秘訣預知休咎劉延慶
敬重之道人目其子光世曰為救時名將大有福
德人靖康二年春忽大哭于市別隣里去及汴梁
陷二聖北狩乃哭之日也吁異哉見博異錄

大元大一統志卷第五百四十八

奏進集賢大學士資善大夫同知宣徽院事臣李蘭躬
昭文館大學士中奉大夫秘書監臣岳鉉等上進

葭州

神木縣 府谷縣 吳保縣

建置沿革

禹貢雍州之域州有壁記云州介晉秦之間春秋
為翟國秦并下屬上郡漢為西河郡固陰縣地圖
音銀漢書云以在固水之陰故曰固陰星入東井
度按地理志葭州在河東路石州臨泉縣其西
南至延安府四百三十五里宋元符二年以葭

蘆川新寨為晉寧軍屬西河郡而西河乃汾晉地其秦晉之間乎一云銀州屬閩隴入西河上郡則入尾今是以晉淪于戎羯苻秦建元元年因驄馬城并度為是

巡撫其地後魏屬開光郡後周保定二年置中鄉縣屬中鄉郡隋開皇元年避中字改為真鄉縣兼廢中鄉郡以縣割隸銀川郡按地理沿革表云屬雕陰郡真鄉縣屬銀川隋大業三年郡廢改屬雕陰郡隋末沒入寇賊唐貞觀二年平梁師都復置銀州仍以縣為屬邑縣西北有茹蘆川一云葭天寶元年曰銀川郡屬閩內道乾元元年復為銀州唐末陷于西夏宋元豐五年鄜延路經畧司將所

部復之即葭蘆川築為寨朝論以此川東聯河汾西控銀夏寔為衝要迺令屬臨泉縣本河東之石州所隸也元祐二年夏人恭順詔鄜延路經畧司以寨地給賜紹聖四年二月己酉王師攻復元符二年八月甲午樞密院言河東經畧使林希奏元豐中于鄜延路進築米脂葭蘆吳堡三寨以葭蘆吳堡屬河東自是嵐石之人始戍河西致寇境在日欲出不可密睇鄜府猶迂十舍自前歲復葭蘆去年築神泉今年築烏龍通接鄜延稍相屏蔽又北迤銀城南抵神泉幅員數百里樓櫓相望橫

山之腴盡復漢土斥埃所及深入不毛士馬更為
聲援繇此嵐石遂為次邊往年經始葭蘆川是為
今日通道根本建軍為宜詔升為軍名曰晉寧以
臨泉倚郭定胡為屬邑金初為夏人所踐皇統二
年復立軍治仍隸河東路而臨泉定胡還屬石州
大定元年升為州二十三年閏十二月改為葭州
金集禮地志云晉寧州葭蘆寨以葭蘆水為貞
名宋為晉寧軍今擬為葭州圖冊在大定八年
元元年隸汾陽軍節度金大定職方志管八寨曰
通秦曰神泉曰烏龍曰吳堡曰寧河曰彌川曰大
和曰神木有通安晉安二堡于通秦隸焉永作唐

安二堡于烏龍隸焉濩川彌川靖川三堡于彌川
隸焉通津于神木隸焉寧河則木寨隸焉正大三
年改隸廊延路元領吳堡彌川通秦葭蘆四縣後
又益以太和建寧
國朝收附後至元六年併通秦彌川葭蘆入州併太和
入神木建寧入府谷來屬令領縣三

神木縣

春秋白翟國漢屬五原西河二郡武帝徙山東被
水之民于閔以西洎朔方以南新秦中蓋其地也
後為赫連勃、所有周隋已降為銀勝二州地屬

雕陰郡唐開元初張說奏置麟州十二年割勝州之銀城連谷二邑改置新秦郡并縣十四年廢郡以縣還隸勝州天寶元年復置尋以為新秦郡乾元元年復曰麟州升為振武麟勝等節度使兼都護以勝州為支郡後周顯德五年劉崇不賓楊侯作藩移壘小堡宋乾德元年徙治于吳兒堡即故麟州也五年升建寧軍端拱元年改鎮西軍置節度使領之又置麟府路兵馬司治新秦而銀城連谷則屬邑也新秦管神堂靜羗二寨惠寧鎮川二堡銀州管銀城神木建寧三寨肅定通津神木闌

于四堡連谷管橫陽一堡金皇統八年以麟府地陷西夏不曾復立

國朝收附後創立雲州于古麟州神木寨隸延安路至元六年廢州為神木縣又并太和縣入焉并來屬

吳堡縣

宋九域志金大定職方志並云本石州定胡縣寨地屬西河郡宋景德以來屢陷于羗元豐五年盡復其地爰因險阻築起城壁東臨汾晉西接鄜延寔為要衝額任武將以屯守焉時與米脂葭蘆二寨並興既成以米脂屬鄜延路葭蘆吳堡則屬汾

晉元祐二年以米脂葭蘆給賜夏人而吳堡等不
係可予地分委官畫定界至開立壕堠金時定胡
為夏人所奪以吳堡隸通秦寨厥後又升為縣屬
葭州

國朝收附後至元元年省之二年復置仍來屬

府谷縣

張洽地理沿革表云冀州之域古并州地秦漢為
太原郡後魏昉置嵐州隋屬樓煩郡唐屬嵐州後
唐莊宗天祐七年有河朔之地將興王業以代北
諸部屢為邊患于是升府谷鎮為縣本河西蕃

界土人折嗣倫代為鎮將自升縣之後嗣倫男從
阮招回紇歸國詔建為府州以扼蕃界仍授從阮
為府州刺史尋以契丹與小蕃侵擾移州于得人
堡晉高祖起義以契丹有援立之恩賂以雲中可
西之地盡去焉契丹欲盡徙河東民以寔遼東人
心大擾從阮力保險北絕其好迺遣使稟命詔從
阮出師明年春從阮深入拔十餘砦漢高祖引兵
南下從阮率兵歸之尋升府州為永安軍折振武
之勝州并沿河五鎮以隸焉乾祐元年從阮舉族
入覲朝廷命其子德宸為府州團練使周顯德元

年升府州為節鎮復以永安軍為額就拜德宸為節度使顯德二年夏州李彝興以土壞相接惡其與已並為藩鎮廼扼塞道路阻絕使臣世宗召問宰相如何宰臣以夏州地處邊徼朝廷向來每與優借府州甚為偏小近建節旄得之何利失之七害且宜撫諭彝興世宗曰折德宸三數年來竭盡心力禦捍劉崇如何棄之度外且夏州雖產羊馬博易資貨悉在中土倘與阻絕何能為者廼命贖詔書責其悖慢諭以安危彝興果俯伏聽令宋因其舊府谷為縣有安豐軍府百勝三寨斥堠靖安

西安三堡晉並屬河北東路金皇統八年以麟府路為西夏所據不能取之國朝收附之後復建州治改隸延安路至元六年州廢以縣隸延安路二十二年來屬

坊郭鄉鎮

神木縣

碾谷村

麻寧村

深井村

九支村

盤西村

平西村

赤烽村

長建村

黑牛村

番七村

番胡村

殺麻村

上村

吳堡縣

太平村 豐化村 久安村
府谷縣

鄧曹村 胡畠村 待保村 小沒村 馬真村
合河村 盤東村 平東村 太平村 永興村
葛浮村 馮家會村

里至
本州

東北至上都二千四百三十里
東北至大都一千六百二十里
南至本路五百八十里

東至太原路界黃河五里

西至綏德州米脂縣界六十里

南至綏德州界一百四十里

北至大同路豐州界四百六十里

東到太原路臨州一百二十里

西到米脂縣一百二十里

南到米脂縣一百二十里

南到綏德州併管義合廢縣界一百四十里

北到大同路豐州六百二十里

東北到太原路興州一百八十里

東南到太原路石州孟門縣一百五十里

西南到綏德州一百八十里

西北到定州九十里

神木縣

東至上都二千二百二十里

東至大都一千四百三十里

南至延安路七百七十里

南至本州一百九十里

東至太原路保德州黃河界一百里

西至曳只喇八界五十里

南至葭州界一百八十里

北至古鄜州界三十里

北到本州一百八十里

東北到臨州一百八十里

西南到青澗縣二百七十五里

東南到石州寧鄉縣一百里

西北到米脂縣一百八十里

府谷縣

東至上都二千四百九十里

東至大都一千五百里

南至本州四百九十里

東至太原路保德州黃河三里

西至神木縣界一百五十里

南至太原路保德州界五里

北至大同路豐州界六十里

東到大同路武州二百里

西到神木縣二百里

南到保德州五里

北到東勝州五十里

東南到太原路五百里

西南到葭州四百九十里

東北到大同路西豐州一百三十里

東到保德州二百里

西到定西州一百八十里

南到葭州一百九十里

北到舊麟州四十里

東北到府谷縣一百里

西南到綏德州併管嗣武廢縣二百里

東南到太原路興州一百三十里

西北到西夏一百一十里

吳堡縣

東北至上都二千六百六十里

東北至大都一千七百六十五里

北至葭州一百八十里

西至延安路四百八十里

東至太原路石州界黃河一里

西至綏德州界二十里

南至石州孟門縣界黃河五里

北至本州界七十里

東到太原路石州孟門縣一百三十五里

山川
南到平陽路石樓縣一百五十里
東北到神木縣二百里
黃河

在府谷縣東自西豐州馮家會村入境東流一百
五十里至神木縣碾谷村東南流十里經葭州長
壽村至吳堡縣東一百里下流豐化村出境

圓水

在真鄉縣屬西河郡顏師古曰圓音銀在圓水之
陰因以名縣漢書所謂西河即銀州也凡銀州所

置儒林真鄉開光撫寧皆銀水地廊州之新秦連
谷銀城亦圓陰地今葭州古真鄉地神木縣即銀
州之銀城縣砦地也輿地廣記云唐立銀州東北
有無定河即圓水也土俗以河流不足故河以無
定名圓與銀同音而漢志作圓陰顏師古註是也
王莽改曰方陰則是當時已誤為圓字今有銀州
銀水即是舊名猶字但字變耳以此考之則九域
圖所載乞銀之說未可信也乞銀乃符秦驄馬城
俗稱驄馬為乞銀因號乞銀谷後周於此立銀州
也

葭蘆川

通鑑長編云太原摠四路而嵐石麟府為邊州麟
府又孤居城外夏人為寇輒傳城下自離石絕河
而西與秦地延州相望而夏人據有橫山距河為
寨不得與秦合宋元豐中嘗取得葭蘆川築為寨
元祐初棄之紹聖四年二月知太原府事孫覽議
復取葭蘆川而其地峻絕澗谷重阻兵不得前夏
人聞之以數萬兵屯境土覽下令須是滿五萬乃
行夏人益遣丁壯就屯而覽兵終不出賊屯既久
涉冬月饑餓輒塚覽益修戰備猶不出兵或告賊

騎數萬攻嵐石之屯垂敗乞濟師軍吏夜請計事
覽卧不起比明乃復白官軍已據便地虜未嘗來
也覽曰吾固知之幕府問何以知之覽曰離石塞
外無賊帳就欲為寇非一月不集豈能遽至而不
聞乎始諸將以吾未出兵恐不見虜軍賞輕矣幕
府退下令具糗糧嚴兵械曰夏人至矣居數日夏
兵十餘萬入寇至神堂覽厚集其陣以待之兵方
接斬數百級獲其酋長數人賊帥度不能支遂遁
去覽曰可矣乃遣王愨折克行將兵出麟府張世
王永舜臣出石嵐遂城故葭蘆未就賊數萬卒至

覽被兵不動而使張世永將輕騎由麟州道出其
後擊之賊前不能進而後為世永擊逐大敗卒城
薛蘆川而還三月庚午覽加樞密直學士賞其勞
也宋史

屈野川

在銀城廢縣其川則與連谷縣相接文潞公彥博
為河東轉運使日夏賊入寇圍麟州城過屈野河
白草平下砦彥博與麟府路走馬承受公事樊玉
率兵敗之即此處出宋史

兔毛川

在新秦廢縣九域志云紹聖三年孫覽議于此築寨不果

土產

瑪瑙

府谷神木二縣出歲遣官採之自至元二十六年

始

鯉魚

府谷縣黃河內有之歲貢

大元大一統志卷第五百四十八

大元大一統志卷第五百四十九

奏進

集賢大學士資善大夫同知宣徽院事臣字蘭勝昭文館大學士中奉大夫秘書監臣兵鉉等 上進

葭州

風俗形勢

人性魯直勤于耕作圖冊云

神木本古麟州地其俗蕃漢互居人性魯直好尚

武力相助守望圖經云

地瘠民窶新秦舊經云

府谷本舊府州治也地近邊而民知戰府谷舊郡

志云
民不滿十歲皆諳武藝

人尚義氣俗無浮華

府谷有花山迺地之最高者

通津西枕枕城唐地理志屬麟州金以隸神木寨

神木今屬葭州

二水交洛故名永水在府谷縣舊日升府州為永

安軍取此義也

麟州舊壤寔曰新秦戎人綏荒在河一曲党項部

族漢民混居長城云前屈野川右左帶樓煩之地

南偏赫連之鄉惟府由茲唇齒相輔張肩麟州通

判廳壁記云

古蹟

舊麟州城

按秦武王轉徙東民以寔茲土久用滋富因以新

秦名唐開元中群蕃構逆張燕公說致討請城麟

州所以安餘種也周顯德末北漢弗庭楊侯志其名

徙城小堡所以遏并寇也宋乾德元年又遷于吳

兒堡土產與振武同香有穀撥甘松藥有麻黃甘

草升麻當歸菴閣柴胡刺楸遠志及白角葷端拱

元年又治新秦金為夏人所奪地遂荒
故府州城

本河西廢地界東過河至火山軍四十里西至麟
州一百五十里南過河至岢嵐軍一百四十里北
至二十六府勒浪馬尾直蕩毀娘等蕃族四百八
十里東南過河至火山軍桔棹寨四十里南至麟
州界杓枝谷三十里西北至沒兒雀悉命女奴越
都等蕃族三百五十里東北至唐龍鎮一百五十
里按輿地廣記府州府谷縣北至豐州羅泊川掌
地一百二十五里以羅泊川為豐州治是宋嘉祐

七年謂此川掌地方圓百餘里如掌之平故于此
置治其西五十里有沙井嶺三十七里有煖泉峯
又六十里有龍尾房又西北九十里有超沒堆並
府州所隸今所具圖冊乃云府谷西京豐州一百
五十里西京即大同路也按舊豐州宋慶曆元年
七月始陷于西夏不知後來何以屬西京嘉祐七
年再置豐州在府州管內據宋志云折從阮刺史
日取契丹城堡十餘羅泊川在中今具列圖冊云
府谷北至西京豐州界六十里則又似說羅泊川
地界不能無惑更須考詳而圖志皆闕始存舊書

所云
故銀城縣

在舊麟州南四十里四鄉本漢固陰縣地後魏置石城縣廢帝三年改屬歸真郡隸綏州後周保定元年移縣于廢石龜鎮隋大業七年改為銀城縣以隸勝州開元中自勝州割屬麟州宋九域志在州南八十里管銀城神木建寧三寨肅定神木通津闌干四堡金時半陷于西夏惟存神木一寨通津一堡貞元間撥隸汾陽軍今以神木為縣故新秦縣

國朝舊三鄉本朔方以南謂之新秦唐天寶取漢舊名

故置縣宋管二寨二堡金没于西夏遂荒廢

國朝故連谷縣在舊麟州北一十里有橫陽一堡亦漢固陰縣地

成屬西河郡隋文帝于此置連谷鎮煬帝改為成天

盛業十三年廢成唐觀貞八年置連谷縣屬勝州天

國陳寶元年割屬麟州宋因之金没于西夏遂荒

舊雲州城在舊麟州北一十里有橫陽一堡亦漢固陰縣地

即古麟州神木寨地也並安晉安州舊城州

國朝初置州隸延安路後廢為縣隸葭州

國故通秦彌州五縣

故皆晉寧州寨地通秦管通安晉安二堡彌川管護

善州彌州靖川三堡金末並置縣自陰縣地後魏置

國朝至元初併二縣入州自管金末並置縣自陰縣地後魏置

益蘆廢縣

按九域志本河東石州臨泉縣元豐五年所築為

寨金既置葭州未年又置縣

國朝至元六年併入州自管

故太和縣

本神木寨地初置縣

國朝至元六年併入神木縣屬葭州

故建寧縣

本宋之銀城縣寨地初置縣

國朝至元六年併入府谷縣屬葭州

成宜

漢地理志云屬五原中部都尉理孫固陰地即銀

城縣界西安陽河陽武都相陽塞以上皆固陰縣

地後廢並在銀城界東漢和帝永元元年車騎將

軍竇憲出鷄鹿塞渡遼將鄧騭出桐陽塞南燁紆

盡出滿夷谷遂至燕然即此

造陽縣屬代郡造陽縣屬代郡

史記燕亦築長城造陽縣屬代郡

西之塞名也造陽縣屬代郡

五原縣城造陽縣屬代郡

漢書光祿徐伯為出五原塞數百里築城列障

至盧朐山即銀城廢縣正北所謂光祿塞是也後

魏曾於此立石城縣後改焉晉太康地里志云自

北地郡北行九百里得五原塞又北出九百里得

造陽即此宋九域志銀城縣有五原塞方輿樞要

云舊麟州有西關漢武帝徙山東貧民居之即此也

寰宇記唐龍朔二年析豐勝二州界置翰海都護

府總章中改為安西大都護府北至陰山七十里

至回紇界七百里如洛陽二千九百里在黃河北

嶺陰山一縣屬銀州天寶元年置其州與縣至宋

並廢方輿樞要云陰山暑月尚有雪積不消唐歐

陽詹有五原東北晉千里西南秦晉之間秦又宋沈

括詩五原愁殺起秋風雪壓陰山不融之句文

同賦五原行略云羌人抄暴為常事見敵不爭收

若兩自高聲勢五邊功歲年皆一同將軍玩

百寇五原上朝廷不知但推賞

百花塢原上陳兵不味日郵賞

在府州廢治新民世為州刺史創地塢牙郡圃為

一方之勝金時元牙兵葦暴為常軍良城不軍外

世美堂正氣赫赫然風雷壘斷山，不極上向文

折民建取世濟其美之議金時兵廢之重開秦天衣

籌邊亭古興蘇要三劍山景民尚自曹蘇不能晉福

折惟光建釜時兵廢天寶六平置其州與魏至岳

官蹟回游界以百里以武新二千凡百里五黃河北

折從阮章中好為要西大嶺莫臥北至斷山以十里

自吾晉以來任周為靜難軍節度使世宗時府答

建府州為永安軍即以德康為節度使宋初城河

東沙谷皆斬首數百級建隆二年來朝太祖厚待

之遣還鎮德康卒子御勳御卿惟忠惟正惟昌繼

曹祖克柔皆世襲郡守克行居行間無所知名及夏

入寇慶州神諤拒之會河東出師為援克行請為

文先鋒戰葭蘆州以功遂知府州夏人久闕河外克

行每出必勝賊畏紹聖中太原帥欲城葭蘆州以

復故地召克行問計克行條具所見遂以師出界

分遣諸將約束為深入窮討之狀賊疑不動遂城

葭蘆時河東進築八砦通道鄜延帥秦希甫至議

百築盡後克待請以兩路同時深先築遠者出其
不意帥用其策卒城之克行在邊三十年戰功最
多賊畏其威名號折家父官至秦州觀察使率以
其子可太承之可太之後可求繼之金谷犯河東
可求力守賊卒完父之夏衣來攻可求孤城無援
城遂陷死之詔葬於會同東出昭為銘其子可求
曹光實字世英得志克其武門無所畏其子可求
事宋太宗以汝州團練使為銀夏等州都巡檢使
李繼遷遁入蕃部為寇光實掩襲至地斤澤俘斬
甚眾破其族帳獲繼遷母妻繼遷幾擒矣乃使入

紹統實以降光實信之繼遷設伏光實以數百騎
赴之至葭蘆州繼遷舉手揮鞭而伏兵起光實遂
覲殺時年五十五從子克明從行秘不發喪使入
傳光實命向兵銀州乃與其僕潛入賊中獲光實
沈還塞橋斷其歸路沈還塞橋斷其歸路
文顯字德心民賦民德民賦民德大自善大自善太公以善
張為河東轉運使以麟府二州皆在河外餉道迴遠
廼按唐張說嘗領并州兵萬人出合河關掩擊党
頰於銀城北為河外直道自折德展世有府谷即
大河通保德以便府人故河關路廢而勿得將秦

復之未逮而卒子官洎之子慶博來領曹事遂通
銀州而州有積粟可守先是圖麟州知城中有備
乃解圍去宋史云新修兵部志云麟州知城中有備
張詠西來轉數處守麟州使州守無憂麟州知城中有備
文雍熙二年六月通判麟州閔決有善最太守以喜
怒為政詠剛直屢責之守愧謝詠嘗作新秦遣懷
詩有風動沙昏畫寒多雪拚松老句作廳記大槩
謂廳事寂閑獨有陽位廳停也使停息其間又廳
聽也欲聽行其教若是廳也詔令存焉刑政孫焉
苟職若之務如戲嗜待君之眾如子散息則明怒

重出刑政用清內杜擅權之萌外絕無告之民謂
斯廳也守覆疆內久用休息若忽君之令寇君之
政朕民膏血為妻子謀則志辱子貪事荒乎濫既
苗厚韞積之責亦速覆舟之咎謂是廳也醜甚屠肆
見何違焉賢行難著仁心易隳敢鏤廳壁取為政
規詠有德于民比去也人思而祠之竊
張者訪出陳謝山藥氏贊草書者為山藥氏陳謝
慶曆元年秋以此田員春郎通判府刑軍依山無
外城皆築之州將白吾州據險敵必不來昔於聽
城垂就寇太至乃懸巨木補其罅守以強弩時中

外懸隔水心天恐潭有買馬絲數千矯詔賜守率
卒皆呼萬歲賊以為救臣州無井民取河水飲賊
斷其路者夜開門率兵擊賊即以官軍壁兩旁
使民出汲復以渠泥覆草積督居民乘城力戰賊
死傷甚衆遂解去以功遷都官員外郎旨河內人
也宋史云趙元昊圍麟州凡二十七日城中無井
苗繼宣慶曆初趙元昊圍麟州凡二十七日城中無井
掘地以貯雨水至是水竭知州事苗繼宣掘地以
塗藁積備火箭所射賊有謀者潛入城中出告既

吳城中水竭不過三日當破元昊望見塗積圍而
去麟州之圍繼宣募吏民有能通信求援于外者
通引官王吉應募繼宣問須幾人從行吉曰今賊
騎百重無所用衆請髡髮衣羽服挾弓矢賁糗糧
詐為羗人夜縋而出遇賊問則為羗語答之兩晝
夜然後出寨之外走詣府州告急府兵遣將兵救
之吉復問道入城中皆呼萬歲遂圍解詔除吉
奉職本州指揮使
衛居實麟州刺史
宋咸平三年以閣門祇候知麟州事六月乙亥李

繼遷來入寇四面負板薄城者五日居實屢出奇
兵突戰乃募勇士縋城潛往擊賊賊皆披靡自相
蹂踐丁丑繼遷拔寨遁去壬辰真宗見捷書喜以
啓寔為供備庫使通判以下遷秩各賜錦袍金帶
初城內乏井泉而被圍之際暴雨沾洽人皆置器
鑿地以貯之城內雖有泉水列寨為防而垣墻闊
遠難于固守至是遣使于河東部并匠至州開鑿

大元大一統志卷第五百四十九

大元大一統志卷第五百五十一
奏進昭文館大學士中奉大夫秘書監臣岳鉉等上進
茂州昭文館大學士中奉大夫秘書監臣岳鉉等上進
宦蹟昭文館大學士中奉大夫秘書監臣岳鉉等上進
鄭文寶昭文館大學士中奉大夫秘書監臣岳鉉等上進
真宗時為河東轉運使李繼遷來圍麟州麟州今并州
文寶乘傳晨夜赴之遂解麟州之圍宰相寇準謂
其熟西事以為陝西轉運使文寶好以功名自任
為見宋史

武戡卷之八 四 面 黃 杖 壽 城 者 五 月 居 實 後 出 奇

嘉祐二年知麟州西自慶曆以來夏人盜耕屈野

州既耗則皆河西地莫能禁河東經畧使知太原

府事龐籍戒邊將賊至斂兵毋與戰賊兵屯月餘

食盡而去其年正月沒藏訛龐領兵及境欲自郿

自延以北盜耕屈野河西之田會國人有與之異議

者復抽其兵還然銀城以南侵耕自若蓋以其地

外則蹊徑險隘多柏叢生漢兵難入內則平壤肥

沃宜粟麥故賊不忍捐于是籍檄通判司馬光行

邊至河西白草平數十無賊踪知州事武戡通判

夏倚已築一堡為候望又與光議乘賊去出不意

更增一堡以據其地可使賊不復侵耕請還白經

畧使益禁兵三千後兵五百不過一旬壁壘可成

然後臨戎臨塞二堡徹其樓櫓徙其甲兵以寔新

堡列烽燧以通警急徙牙城紅樓之上俯瞰其地

猶指掌也有急則州及橫陽堡出兵救之賊來耕

則驅之已種則蹂踐之賊衆盛則入堡以避如是

則堡外三十里之田賊必不敢種是州西五十里

之內無賊也籍遂檄麟州如其議于是管勾麟府

兵馬郭恩及戡以巡邊為名往按視會者言賊

武屯沙黍狼亘將五里恩欲止而走馬承受東頭供
奉官黃河元脅恩夜行無復部在賊舉火卧津奉
戡謂恩曰賊已知吾曹出矣行至谷口恩欲休軍
曰須明乃過山道元曰幾年聞恩名今乃懦怯恩
愠曰不過死耳此明至忽里堆賊數十人皆西走
去數十步止息等路胡床遣從騎以蕃語呼之不
應俄賊騎張左右翼自南北交至堆東有長壑其
中有梁謂之斫道塢恩等東據梁口與之戰自旦
至食時自西旁壑中攀緣而上四面合擊恩衆大
潰倚方在紅樓見賊騎自西山來與推官劉公

弼率城中諸軍閉門築城賊趨城東焚門以入恩
與道元皆為賊所執恩大罵賊語不休遂自殺賊
遣道元還詔贈恩同州觀察使封其妻呂氏為京
兆郡君官其子弟恩開封人也去遣御史按其事
藉坐不以築堡聞改知青州久之今以戡築堡為
是

張居

嘉熙寧四年春以崇儀副使知麟州州城井泉不
足軍民汲于城外沙泉前後郡守欲築城以包之
而土多沙礫不果為居命鑿去舊土而築之城成

人以為便語聞語遷西京在藏庫使神木等寨官
亦稟命鑿泉以濟居民而後發時在藏庫使神木等寨官
張元昊叛以元為廊延路兵馬鈐轄徙并代都鈐轄
照應麟府等處兵甲是時夏人圍府州屯琉璃堡
縱遊騎擾邊麟府閉壘不出元至命開關縱民出
入時有禁卒數千無鬪志乃募役卒敢戰者得
數百人使擊賊有功以首級獻者元以錦袍衣之
禁卒漸請効死元度其可用命擊破琉璃堡明年
元築建寧砦元使虎翼萬勝兩軍更其旗幟夏人

來爭逐趨萬勝而犯之遂大潰斬首二千並級不踰
月遂築清寨首勝中候建寧鎮川五砦而麟府路
始通出宋史

種諤字元昊崇寧元年韓絳宣撫陝西諤時為皇城副使知青澗城召與張計事諭諤節制麟府兵委以便宜招納築羅汎城
二十九月而成分守之諤還軍綏德其後夏人聚
兵入寇諤自綏德出塞至米脂城大敗夏賊捷書
來諤進兵銀石夏州橫山之地不見賊會班師乃
還事見宋史

何所掠州還其子而阿遇仍背約安撫使遣岳外徑
造帳中以送順諭阿遇語屈阿遇抽背刀貫
大嚙啗岳人就刃斃阿遇復弦弓張鏃指岳腹而
毅岳食不穀阿遇撫岳背曰真男子也遺岳馬囊
飛馳歸所掠如故約岳時年十八名動一軍是年元
人吳犯邊岳以教練使從繼閔破賊斬其軍主教保
以功補三班差使賊犯府州又大敗賊衆賊破豐
州岳與諸將一日數戰斬獲萬計遷禮賓副使出
宋史 岳與諸將一日數戰斬獲萬計遷禮賓副使出
朱昭 岳與諸將一日數戰斬獲萬計遷禮賓副使出

字彥明府谷人也初浮湛班行人無知者後為震
威城押會城主闕攝其事金人陷忻代踰石嶺關
圍太原夏人乘虛入寇遂薄震威昭募蕃漢士得
精銳千餘分数隊夜薄賊營賊驚亂多所殺獲震
威距府谷三百里最孤遠諸臣既下賊怒獨不得
昭遂納金人併攻降將有與昭故人者語之曰天
下事已矣忠安所施昭罵曰汝既背義偷生尚敢
以言誘我乎矢石亂下賊衆散走後二日昭召諸
軍議曰城將破妻子不可汙賊手汝等幸先殺我
家出城血戰而圍大功不勝則暴骨吾境內大丈夫

夫平生事畢矣因盡殺其家人納之井中部將賈
崇望母過前昭呼曰媼我鄉人也吾不欲手及請
自入媼從之軍士有家屬在城中者亦皆自殺昭
因諭其衆曰我與尔曹俱無累矣倘我先死汝有
得脫者願馳至府谷言狀會部落子陰與賊通者
告之曰朱昭與其衆各殺其妻子將出戰人雖少
皆死士也賊大恐以利啗守陴者果得登城昭知
之勒軍士于通衢接戰自暮達旦尸填街不可前
遂于城所推處躍馬出馬蹶墮城壕中賊兵四集
雷謀曰得朱將軍矣賊始欲生致昭不瞑目仗劍

無敢向者賊知不可得矢爭發昭罵賊死年四十
六昭在震威能與士卒同甘苦以是士心爭奮凡
被圍百日而城陷云

折可適

字遵正世為府州刺史因家焉郭達帥鄜延見之

曰真將種也荐之誠藝廷中為鄜延路經畧使屬

官擢知寧岷環蘭四州再知鎮戎軍皆有戰功章

綦帥太原藥石門峽好水川時熙河秦鳳環慶三

路兵會涇原無慮三十萬聽命于綦所以可適為

前軍統制副王文振會熙河卒二千入失道赴坑

谷死文振俱歸罪可適劾其擅興違節制奪官而
罷察留之權第三將差統將鬼名阿理監軍昧
勅都通智西夏用事以密詔圖之會首以故牧
為名窺伺境上可適出兵衙夜襲之俘其家屬
部族簿所得十餘萬其地即天都山也適請以
荻葦川為砦南牟為州詔名砦曰臨羌州曰西
安以可適知州事累遷武康軍留後知渭州拜淮
康軍節度使復帥涇原卒年六十一子彦質不可
前

彦質

字仲吉登崇寧進士第靖康元年直秘閣致仕尋

加直龍圖為河陳宣撫使參謀累遷宣撫副使建
淡初累贖唱化軍紹興六年入擢樞密參政奉
祠辭相秦檜主和戎彦質切責之坐是又流竄雖
在謫所而剛直之氣不少屈號孫真居士檜死復
常職三十許年質每以家世忠節不得歸中原
為恨事見宋史中百甚矣昔人不及也素疾
楊政臨車不語夫人皆其語也

楊政

字樂道新秦賊第進士仁宗時知制誥嘉祐七年

四月終于龍圖閣持制類殯蘇轍為懷詞畧云家

世將家有功于國政始以文詞得官厥後將兵于

南方與蠻戰亦有功其為將與士卒同甘苦飲食
 此其最下者而軍將常處其先以此得死力常學
 孝精兵法知其出入變化之節故為人謹畏平居
 遇細事若不能決人皆怪其能將以破賊疑其無
 以處之不知其中更有甚勇者人不及也故素病瘦
 甚羸然其讀書勤苦過于少年好為詩喜大書皆
 可愛有子曰祖仁故之卒也家無遺財長子中京
 貞女賈宗望母主事其家其母危急其母勉宗望
 宗望戕賊威夏人乘間入寇城危急其母勉宗望
 既國諱將士有相殺家屬者母曰朱將軍必死願
 事並出宋史

國我老身忍將軍即赴井死宗望亦自刎是日軍
 士母妻及女多自死無一汙賊者事聞詔褒異之



